



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Trg pravde 10, 76100 Brčko distrikt Bosne i Hercegovine; tel: 049/217-955; faks: 049/235-070; e-pošta: pkbd@pkbd.ba

Broj: SuPK-00-605/26-I
Brčko, 21. 04. 2026. godine

Zapisnik
sa 135. vanredne sjednice Pravosudne komisije Brčko distrikta BiH
održane 21. 04. 2026. godine u 08.30 sati, sa sljedećim

Dnevni redom

1. Donošenje odluke o formiranju radne grupe koja će izvršiti analizu nacrtu Zakona o državnim službenicima i namještenicima u institucijama Brčko distrikta BiH;
(izvjestilac: Rade Mitrović)
2. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH;
(izvjestilac: Rade Mitrović)
3. Donošenje rješenja o prestanku radnog odnosa Radi Radikić, advokatu u Kancelariji za pravnu pomoć Brčko distrikta BiH;
(izvjestilac: Rade Mitrović)
4. Donošenje rješenja o prestanku radnog odnosa Lani Kondić Vasić, stručnom saradniku u Pravobranilaštvu Brčko distrikta BiH;
(izvjestilac: Rade Mitrović)
5. Razno.

PRISUTNI SU:

1. SAFET PIZOVIĆ, predsjednik Pravosudne komisije Brčko distrikta BiH,
2. DAMJAN KAURINOVIĆ, predsjednik Apelacionog suda Brčko distrikta BiH,
3. MIRSAĐ ĆEMAN, predsjednik Ustavnog suda BiH, putem audio linka,
4. VLADIMIR TEPAVČEVIĆ, v.d. glavnog tužioca Tužilaštva Brčko distrikta BiH,
5. DEJAN ĐUROVIĆ, pravobranilac Pravobranilaštva Brčko distrikta BiH,
6. MILIVOJE VASIĆ, član Komisije iz reda građana,
7. IVAN LOVRIĆ, član Komisije iz reda građana, putem audio linka.

Sjednica je počela u 08.35 sati.

Konstatuje se da sjednici prisustvuje sedam članova i to lično prisustvuje pet članova Komisije, dok su Mirsad Ćeman, predsjednik Ustavnog suda BiH i Ivan Lovrić, član Komisije iz reda građana, prisutni putem audio linka. Predsjednik Osnovnog suda Brčko distrikta BiH, Dragan Tomaš, i član Komisije iz reda građana, Mehmed Bečić, opravdano su odsutni.

Sjednici prisustvuje i sekretar Pravosudne komisije, Rade Mitrović.

Predsjednik Komisije otvara 135. vanrednu sjednicu Pravosudne komisije Brčko distrikta BiH s predloženim dnevnim redom.

Na prijedlog predsjednika, Komisija je jednoglasno usvojila predloženi dnevni red.

Prelazi se na prvu tačku dnevnog reda.

1. Donošenje odluke o formiranju radne grupe koja će izvršiti analizu nacrtu Zakona o državnim službenicima i namještenicima u institucijama Brčko distrikta BiH;

Nakon uvodnog izlaganja i provedene diskusije po ovoj tački dnevnog reda, Pravosudna komisija jednoglasno donosi sljedeću:

O D L U K U

Član 1

Formira se Radna grupa za izradu analize nacrtu Zakona o državnim službenicima i namještenicima u institucijama Brčko distrikta BiH (u daljem tekstu: Radna grupa), u sastavu od:

1. Vuk Lučić, sudija Apelacionog suda Brčko distrikta BiH, predsjednik;
2. Dobrinka Milivojević, sudija Osnovnog suda Brčko distrikta BiH, član;
3. Jasmin Suljić, sekretar Tužilaštva Brčko distrikta BiH, član;
4. Dejan Đurović, pravobranilac Pravobranilaštva Brčko distrikta BiH, član;
5. Safet Pizović, direktor Kancelarije za pravnu pomoć Brčko distrikta BiH, član;
6. Rade Mitrović, sekretar Pravosudne komisije Brčko distrikta BiH, član.

Član 2

Radna grupa je dužna da svoj rad organizuje van radnog vremena.

Član 3

Smjernice za izradu propisa: izvršiti analizu nacrtu Zakona o državnim službenicima i namještenicima u institucijama Brčko distrikta Bosne i Hercegovine, analizu statusa pravosudnih institucija i zaposlenih u pravosuđu Brčko distrikta BiH koji se propisuju tim zakonom, njihovog položaja u odnosu na Statut Brčko distrikta BiH, kao i analizu drugih zakona kojima se reguliše njihov položaj, te Pravosudnoj komisiji dostaviti konkretne zaključke.

Član 4

Rok za izradu: Radna grupa je dužna analizu iz tačke I ove Odluke sačiniti u roku od mjesec dana, dakle, u periodu od 27. 04. 2026. do 27. 05. 2026. godine.

Član 5

- (1) Za rad van radnog vremena članovi Radne grupe imaju pravo na novčanu naknadu shodno Zakonu o službenicima i namještenicima u pravosuđu Brčko distrikta BiH.
- (2) Novčana naknada iz stava (1) utvrdiće se kao mjesečna naknada u iznosu od 10% prosječne bruto plate zaposlenih u pravosuđu isplaćene za mjesec koji prethodi mjesecu u kojem se isplaćuje naknada.
- (3) Odluku o isplati novčane naknade istekom svakog mjeseca donosi predsjednik Pravosudne komisije Brčko distrikta BiH, srazmjerno vremenu provedenom u radu.

Član 6

Ova odluka stupa na snagu danom donošenja.

2. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH;

Nakon uvodnog izlaganja i provedene diskusije po ovoj tački dnevnog reda, Pravosudna komisija jednoglasno donosi odluku o raspisivanju:

Javnog konkursa
za popunjavanje upražnjenih radnih mjesta
u pravosuđu Brčko distrikta BiH

1. Stručni saradnik u Pravobranilaštvu Brčko distrikta BiH (na neodređeno vrijeme)1 (jedan) izvršilac
2. Stručni saradnik za poslove upravljanja privremeno oduzetom imovinom u Pravosudnoj komisiji Brčko distrikta BiH (na određeno vrijeme, radi zamjene odsutnog službenika, ali ne duže od dvije godine)1 (jedan) izvršilac

Prijave na konkurs podnose se od 23. 04. 2026. godine do 07. 05. 2026. godine.

3. Donošenje rješenja o prestanku radnog odnosa Radi Radikić, advokatu u Kancelariji za pravnu pomoć Brčko distrikta BiH;

Nakon obrazloženja, konstatuje se da je Komisija jednoglasno donijela sljedeće:

Rješenje

Radi Radikić, advokatu u Kancelariji za pravnu pomoć Brčko distrikta BiH, prestaje radni odnos zasnovan na određeno vrijeme radi zamjene privremeno odsutnog službenika, zaključno sa 30. 04. 2026. godine, zbog povratka odsutnog službenika na posao.

4. Donošenje rješenja o prestanku radnog odnosa Lani Kondić Vasić, stručnom saradniku u Pravobranilaštvu Brčko distrikta BiH;

Nakon obrazloženja, konstatuje se da je Komisija jednoglasno donijela sljedeće:

Rješenje

Lani Kondić Vasić, stručnom saradniku u Pravobranilaštvu Brčko distrikta BiH, prestaje radni odnos zaključno sa 03. 05. 2026, zbog imenovanja na drugu dužnost.

5. Razno

Sekretar Pravosudne komisije obavijestio je prisutne članove da će na narednoj sjednici Skupštine Brčko distrikta Bosne i Hercegovine, zakazanoj za srijedu, kao tačka dnevnog reda biti razmatran prijedlog Zakona o Pravobranilaštvu Brčko distrikta Bosne i Hercegovine u prvom čitanju.

Kako se više niko nije javio za riječ, konstatuje se da je 135. vanredna sjednica Komisije završena u 08.45 sati.

Zapisnik vodila

Olja Klašnić

Predsjednik

Pravosudne komisije

Safet Pizović